

নির্ভরন শ্বহকোণে

এই লেখকের লেখা—

স্বর্গ হইতে বিদায়—১৥০

বিপ্লবী যৌবন—৩২

যথা পূর্বং—(যন্ত্রস্থ)

নির্জন গৃহকোণে

শ্রীভবানী মুখোপাধ্যায়

মডার্ন বুক এজেন্সী

১০, কলেজ স্কোয়ার

কলিকাতা

নির্জন গৃহকোণে

প্রথম সংস্করণ

বৈশাখ ১৩৪৮

সর্ব স্বত্ব গ্রন্থকারের

দেড় টাকা

শ্রীধীরেন্দ্র কুমার চট্টোপাধ্যায় কর্তৃক ১৯, হরি ঘোষ ষ্ট্রিট, কলিকাতা হইতে প্রকাশিত
ও শক্তি প্রেস, ২৭।৩বি, হরি ঘোষ ষ্ট্রিট হইতে শ্রীআশুতোষ ভড় কর্তৃক মুদ্রিত।

শ্রীপ্রবোধ কুমার সান্যাল

বন্ধুবর্গ—

১লা বৈশাখ, ১৩৪৮

শ্রী ভবানী মুখোপাধ্যায়

নির্জন গৃহকোণে

সকাল হয়েছে বটে, রবিরশ্মি কিন্তু এখনও মলিনার ঘরে প্রবেশ করেনি। নদীবক্ষে, বালুকাস্তূপে, পথে প্রান্তরে সর্বত্র সূর্য্যকিরণ প্রতিফলিত। বাগানের গাছের দীর্ঘ ছায়া এসে পড়েছে জানালার সারসীতে, মলিনার ঘরে তাই আলো নেই।

মধ্যাহ্নে সূর্য্য যখন মধ্য গগনে, তখন সেই ঘরে ক্ষণকাল বিচ্ছুরিত হয়ে পড়ে অজস্র আলো, মেঝের ধূলিকণাগুলি পর্য্যন্ত স্পষ্ট হয়ে ওঠে, প্রাচীরের ওপর থেকে টবের গাছগুলির ছায়া ইতস্ততঃ ভেসে বেড়ায়।

কিন্তু কতক্ষণ, ঘূর্ণ্যমানা পৃথিবী, সূর্য্য সরে যায়, দেয়ালে মেঘের ছায়া ক্রমশঃ প্রসারিত হয়। লাল, নীল, ধূসর কত বিচিত্র ছায়া।

গ্রীষ্মের উত্তপ্ত দিনে আকাশ আর মেঘ যখন পাথরের মত কঠিন, আলোর ঔজ্জ্বল্য রূঢ় রুক্ষ হয়ে ওঠে, এ হোল সে দিনের প্রাকৃতিক ইতিহাস।

মেঘাচ্ছন্ন দিনে আকাশ নেমে আসে নীচে—আরও নীচে। প্রভাত, মধ্যাহ্ন, অপরাহ্ন ও সূর্য্যাস্তের কোনও রূপ নেই, বৈচিত্র্য নেই, গতি নেই, মেঘভারাক্রান্ত আকাশে সবই সমান। অন্ধকার বেড়ে চলে। দেয়ালের ছবি ক্রমশঃ অস্পষ্ট হয়ে আসে। সারসী সারাদিন বন্ধ—বাইরের জ্বলো হাওয়া ঘরে না আসে, দীর্ঘ নিরবিচ্ছিন্ন প্রদোষাকার সারাদিনকে গ্রাস করেছে।

উজ্জ্বল আর স্নান—আকাশ নদী বা দিনের এই প্রাকৃতিক ইতিহাসই মলিনার জীবনের সবচেয়ে বড় কথা, মলিনার অস্তিত্ব যেন আবহাওয়ার সংবাদে দাঁড়িয়েছে। টেম্পারেচার-চার্ট জীবনের একমাত্র পরিবর্তনশীল বৈচিত্র্য।

স্বল্পপরিমিত ঘরের এক প্রান্তে মলিনার রোগশয্যা বিছানো, সেখান থেকে জাঁনলা ও দরজা লক্ষ্য করা সহজ। বিছানার উপর সাদা চীনেমাটির বুদ্ধমূর্তি পড়ে রয়েছে, অসুখের সৃচনায় শৈলপতি একদিন এটা কিনে এনেছিল। প্রথম প্রথম বাগান থেকে ছুচার রকম ফুল তুলে এনে শৈলপতি মলিনার মাথার দিকের টিপয়ে সাজিয়ে রাখত, ইদানিং আর সময় হয় না, মাস খানেক আগেকার ফুল কুলদানিতে শুথিয়ে আছে। সেই টিপয়ের ওপরই এখন জমেছে ওষুধের ছোট বড় নানা রকম শিশি, থার্মোমিটার আর টাইমপিস। মলিনা দিনে অস্তুতঃ পনের ষোল বার টেম্পারেচার দেখে, তবু তো একটা কাজ, জ্বর বাড়লে বা কমলেও সে খুসী, সেও একটা উল্লেখযোগ্য ঘটনা। টাইমপিসটা শৈলপতি সম্প্রতি কিনেছে, সাধারণ টাইমপিস নয়, নতুনত্ব আছে, পিয়ানোর সুরে ঘড়িটা বাজে। আর আছে একটা হাত আরশী, মুগ দেখে দেখে নিজের মুখের সরল, বক্র, কুঞ্চিত রেখাগুলি মলিনার মুখস্থ হয়ে গেছে।

নাম তার মলিনা হলেও বর্ণ তার একদা উজ্জ্বল ছিল, সে হিসাবে তার নাম হওয়া উচিত ছিল সুবর্ণা, কিন্তু ইদানিং অসুখের জন্তু মলিনার চেহারা শুধু স্নান নয়, পাণ্ডুর বিশীর্ণ হয়ে পড়েছে।

এখানকার বড় ডাক্তার শশিশেখরবাবু, অন্য কোথাও প্র্যাক্টিস করলে হয়তো আরও নাম হোত, কিন্তু এদেশ তাঁর ভাল লাগে তাই

এখানেই সারা জীবনটা কাটিয়ে দেবেন স্থির করেছেন। ঘড়ির কাঁটার নতো নিয়মিতভাবে তিনি প্রতিদিন মলিনাকে দেখে যান, তার উপস্থিতিতে মলিনা পরম প্রশান্তি অনুভব করে, এই শান্তি শুধু মফিয়াতেই সম্ভব। সহসা সে ফিরে পায় জীবনের চাঞ্চল্য, মলিনার অন্তর আনন্দে পক্ষ প্রসারিত করে চেতনাময় যৌবনের স্বপ্নে বিভোর হয়ে পড়ে।

গতানুগতিকভাবে একটা চেয়ার টেনে নিয়ে ডাক্তারবাবু মলিনার শয্যাপার্শ্বে বসেন, তারপর গম্ভীরভাবে হাত দেখে নাড়ীর গতি অনুভব করে কিছুক্ষণ পরে প্রশ্ন করেন, রাতে ঘুম হয়েছিল? তারপর সেই ব্যথাটা একটু কম ছিল ত? এর পর মলিনার উত্তরের ওপর নির্ভর করে ডাক্তারবাবুর দুটি বাধা কথা 'বেশ' কিংবা 'হঁ', প্রতিদিন একই কথার পুনরাবৃত্তি, কিন্তু সর্বদাই নূতন শক্তি, বিশ্বাস ও নির্ভরতার পরিপূর্ণ হয়ে ওঠে মলিনা।

এ সময়টায় শৈলপতি নিয়মিতভাবে ঘরে উপস্থিত থাকে, জ্ঞানলার ধারে দাঁড়িয়ে উদাসভাবে সিগ্রেটের কুণ্ডলীকৃত ধোঁয়ার অন্তরালে নিজের বিচ্ছিন্ন চিন্তাসূত্রের সন্ধান করে, কখনও আবার মলিনার বিছানায় কাছে এসে অসংলগ্ন দুটো একটা কথা কিংবা রসরহস্য করে, হেসে ওঠে, কখনও বা ছোটখাট জিনিসপত্র গুছিয়ে রাখে। শৈলপতির এ একটা কাজ। মলিনা কিন্তু ঠিক এ সময়ে তার উপস্থিতিতে আনন্দিত হোত না, মাথার কাছে যেন গুঞ্জনরত মক্ষিকার ভীতিজনক উপস্থিতি। এই অতি-ব্যস্ততার ভাণ তাকে আহত করে।

মেয়েদের মত ক্ষিপ্ততার শৈলপতি নিজের হাতে সব গুছিয়ে তবে বেরোত, সব কাজ সে এমন সহজভাবে করতো যে মলিনা সময় সময় বিস্মিত হয়ে পড়তো, শৈলপতির কোনো কাজেই ও লাগছে না, এর

নির্জন গৃহ কোণে

জন্ম মনে মনে মলিনার অনুশোচনার আর সীমা নেই। দশ বছর ওদের বিয়ে হয়েছে, কিন্তু এ দীর্ঘ বিবাহিত জীবনের মধ্যেও শৈলপতির আবির্ভাব মলিনার কাছে প্রথম দিনের মতো নিবিড় অনুভূতির সৃষ্টি করে, শৈলপতির আশঙ্কাকরণ স্নিগ্ধ স্পর্শের সমুদ্রে মূচ্ছিত হয়ে পড়ে মলিনা আনন্দময় উদ্দেশ্যহীনতায়। সুদীর্ঘ অন্তরঙ্গতার পরও শৈলপতির ক্ষিপ্ত এবং তীক্ষ্ণ দেহবন্ধিমার দিকে বুদ্ধিমত্তের মতো চেয়ে থাকে মলিনা, সারা দেহমানে কি সূতীর অনুভূতি!

মৃত সস্তানের মুখে দুগ্ধভারাবনত পীড়িত স্তন দিয়ে মলিনা একদিন হৃদয়ে যে বেদনা অনুভব করেছিল, আজও মাঝে মাঝে সেই বেদনা ঠেকে বিহ্বল করে তোলে, শরীরের যা কিছু শ্রেষ্ঠ সম্পদ সব আজ ব্যর্থতায় পরিণত হয়েছে।

বুকের ব্যথা একটু কম পড়লেই মলিনা মনে করে এইবার সে সেরে উঠবে, আর কষ্ট পাবে না, কিন্তু কতক্ষণ! অথও স্তন্যতার মাঝে নির্জন গৃহের এই নিরালা কোণে শুয়ে মলিনা বুকের চারপাশে রুগ্ন আঙুলগুলি সঞ্চাৰিত করে একটু শান্ত হতে চায়, কিন্তু ধীরে ধীরে আবার ব্যথার যন্ত্রণায় আচ্ছন্ন হয়ে পড়ে। যন্ত্রণার বিভীষিকায় ছিন্ন হয়ে যায় মলিনার অন্তর—সারা দেহের অঙ্গপ্রত্যঙ্গ যেন অকস্মাৎ বন্ধনমুক্ত হয়ে বিচ্ছিন্ন হতে চায়। মলিনা নিশ্চল হয়ে পড়ে থাকে, নড়বার শক্তি নেই। ক্রমশঃ রাহু-মুক্ত চন্দ্রের মতো মলিনার বেদনার প্রকোপ কমে আসে, মলিনা ভাবে, একাকী এই ঘরের নির্জন কোণে এইবার হয়ত সে মরে যাবে, দেয়ালে জ্বলে প্রথর সূর্যালোক, নদীতে বইবে উজ্বল জোয়ার। যদি সে মরতে পারতো, অন্ততঃ সে এই যন্ত্রণা ও বিভীষিকার হাত থেকে মুক্তি পেত। আর কতদিন!

নির্জন গৃহকোণে

ব্যথা ক্রমশঃ কমে যায়, নিস্প্রাণ শক্তিহীন দেহ নিয়ে মলিনা চূপ করে শুয়ে শুয়ে ভাবে, একটা নাস' থাকলে হয়ত ভালো হোত, আজ শৈলপতি এলে বলবে।

সন্ধ্যার পর শৈলপতি ফিরল, উচ্ছ্বসিত উৎসাহে সারা বাড়ি সচকিত করে তোলে—চীৎকার করে ওঠে—কেমন আছে গো রাণী! আজ যা আঁধুর পেয়েছি ফাষ্ট'ক্লাস।

মলিনার জীবনে যেন সৌভাগ্য-সূর্য্যোদয় হ'ল, সব ভুলে গেল মলিনা, যন্ত্রণার কথা, রোগের কথা, নাসের কথা। শৈলপতি মলিনার রুক্ষ চুলগুলিতে হাত বুলিয়ে দিতে লাগল, আর মলিনা ক্ষীণকণ্ঠে বলে—কত কষ্টই না তোমায় দিচ্ছি!

—কষ্ট কি রাণী! তুমি সেরে উঠলেই আমার সুখ। তুমি চূপ করে শোও, একজন বন্ধু এসেছেন, একটু চা-টা করে দিই।

স্তিমিত হয়ে আসে মলিনা। পাশের ঘরের কলহাস্ত্র, কণার ভগ্নাংশ মলিনার কানে ভেসে আসে, কত অবাস্তুর অসংলগ্ন কথা, ম্যালেরিয়া থেকে মহাবুদ্ধি, কি উদ্ভেজনা! কিন্তু রুগ্না স্ত্রীর পরিচর্য্যায় যার দিন কাটে তার জীবনে উদ্ভেজনার উৎসাহ কোথায়, কোথায় পাবে সে অফুরাস্ত আয়ু, চেতনাময় যৌবন!

সেদিন সকালে যখন শশিশেখরবাবু এলেন, শৈলপতি তখন কোথায় যেন বেরিয়েছে, সেই অবসরে মলিনা ডাক্তারবাবুকে প্রণয় করলে, সেরে ত উঠলাম না; মৃত্যু কবে হবে বলতে পারেন?

ডাক্তারবাবু হেসে বলেন—আমি ত মা ভগবান নই, মৃত্যুর কথা কি করে বলি বল?

নির্লিপ্ত কণ্ঠে মলিনা বললে—মানে আর কত দেবী ?

স্নিগ্ধ সংযত কণ্ঠে ডাক্তারবাবু বললেন—মরণের কথা কেউ কি বলতে পারে, যে কোনো মুহূর্ত্তে তা ঘটতে পারে, কিন্তু অত ব্যস্ত হলে কি চলে না ?

মলিনা আর কথা কয় না।

তারপর কয়েকটি স্তব্ধ মুহূর্ত্ত, দারান্দায় যেন মৃত্যুর পদধ্বনি শোনা যায়। শশিশেখরবাবু আবার কথা শুরু করেন, তোমার নাসাঁ রাখার আপত্তিটা ছাড়তে হবে আমি কদিন ধরেই বলছি, এ ভাবে একা একা থাকার ঠিক নয়।

বিস্মিত হোল মলিনা, বললে,—আমার রাজী হওয়া মানে ?

—শৈলবাবু বলছিলেন কি না। তারপর মলিনার মুখের দিকে চেয়ে বললেন, তা হলে তোমার কি আপত্তি নেই মা ?

—আপত্তি ! মানে, হ্যাঁ আপত্তি—কিন্তু আপনি জানলেন কি করে ? তবে যদি দরকার বিবেচনা করেন, তাহলে অবশ্য রাখতেই হবে।

—বেশ আমি আজই ব্যবস্থা করছি, ভাল লোক আছে, আমার জানা লোক।

ডাক্তারবাবু চলে গেলেন, মলিনা শুয়ে শুয়ে ভাবতে লাগল, শৈলপতি নাসাঁ সম্বন্ধে এ কথা বলেছে কেন ? ওর সম্বন্ধে কোন প্রশ্ন করলে ও চটে যায়, কিন্তু মলিনাকে সে সত্যি ভালবাসে, মলিনার অসুখের ব্যাপারে ওর দুশ্চিন্তার আর সীমা নেই।

সেদিনই এক পাতলা রঙীন চাদর কিনে আনলে শৈলপতি, মলিনার গায়ে ঢাকা দিয়ে বললে, ভারী চমৎকার দেখাচ্ছে কিন্তু, ঠিক যেন বিয়ের দিনের মতো।

নির্জন গৃহকোণে

কি-ই বা বলবে মলিনা, তবু কিছুক্ষণ পরে ভয়ে ভয়ে বললে, ডাক্তারবাবু বলছিলেন একজন নার্স রাখা দরকার, আজই পাঠিয়ে দেবেন।

একটু চুপ করে থেকে শৈলপতি বললে, বেশ ত। তারপর অনাবশ্যক হাসি হেসে বললে, আমি ঠিক এই কথাই ভাবছিলাম, ভয় ছিল পাছে তুমি অজ্ঞাতকুলশীলার সঙ্গে অপছন্দ কর তাই কিছু বলি নি।

পাঁচটার পর নার্স এলো, সুশ্রী, পরিচ্ছন্ন এবং তরুণী। তার নাম জগৎমোহিনী নয় জয়ন্তী। রীতিমত আধুনিক এবং শিক্ষিতা নার্স। নার্সের আগমনে মলিনা অনেকটা স্বস্থ বোধ করতে লাগল, রোগের বোঝা এইবার অপরের ঘাড়ে নামিয়ে সে একটু বিশ্রাম করতে পারবে। শৈলপতির সেবা যত্নের পেছনে মলিনার কুণ্ঠামিশ্রিত তৃপ্তি বর্তমান।

এবার সে উপভোগ করবে অকুণ্ঠিত তৃপ্তি। মলিনার চারপাশে নিয়তই দুশ্চিন্তার জাল প্রসারিত, এই নির্জন গৃহকোণের নিঃসঙ্গ পরিবেশ মলিনার কাছে রোগশয্যার চেয়েও ক্লান্তিকর, ব্যথার চেয়েও দুর্কিসহ হয়ে উঠেছে।

একদিন ছপূরে সদর-দরজার কড়া নেড়ে উঠেছিল, সেই সময় ব্যথাটা বেড়েছে, যন্ত্রণায় মলিনা ছটফট করছে, অনেকক্ষণ ধরে কড়া নাড়ার আওয়াজ শোনা গেল, মলিনার ইচ্ছা হোল একবার উঠে দেখে, কিন্তু তার নড়বার শক্তি নেই, চীংকার করবার সামর্থ্য নেই। মলিনার

নির্জন গৃহকোণে

মনে হোল, তার বেদনা উপশম করবার জন্তে দোর ভেঙে পাশের বাড়ির লোকেরা ছুটে আসছে। সেই ভয়ঙ্কর মুহূর্তে এমন সব সম্ভব অসম্ভব কথা মনে পড়তে লাগল যার কোনো মানে নেই, একবার মনে হোল হয়ত শৈলপতি আহত হয়েছে মোটর-দুর্ঘটনায়, ষ্ট্রোকে করে নিয়ে এসেছে বুঝি তার আহত দেহ! বিপদ ঘটতে কতক্ষণ, এমন তো কত হয়! তারপর, অবশেষে কড়া নাড়ার আওয়াজ থামলো, ধৈর্যেরও সীমা আছে। অজ্ঞাত রহস্যে ডুবে রইল মলিনা, কে যে কড়া নাড়লে, তা আর কোন দিন জানা গেল না।

নাসের আগমনে মলিনা তাই স্তম্ভিত বোধ করেছে, বুকের ব্যথাটা একটু কম পড়েছে যেন, বারে কমেছে। মলিনার আর ভয় করে না। জয়ন্তী বই পড়ে, খবরের কাগজ পড়ে শোনায়, গল্প বলে, মাঝে মাঝে আবার মৃদুকণ্ঠে গান গায়। মলিনাকে ভুলিয়ে রাখে জয়ন্তী—নাসও সখীর সমন্বয়। মলিনার নির্জনতার কষ্ট, নিঃসঙ্গের দুঃখের অবসান হয়েছে। সূর্য্যদেবের গতিপ্রকৃতি, নদীর উচ্ছল স্রোতের হিসাব-নিকাশ আর সে তেমন রাখে না। মানুষ ও সমাজের কথা শুনতে মলিনার আবার ভাল লাগে।

মলিনা আবার নতুনভাবে জীবন শুরু করেছে, ভুলে যেতে চায় এই কয়মাসের শ্মানিকর জীবনের ইতিহাস!

নাসকে মলিনা জয়ন্তী বলেই ডাকে, শৈলপতি কিন্তু ভদ্রতার খাতিরে মিস্ সেনের নীচে নামতে পারেনি, তার এই অর্থহীন ভদ্রতা মলিনার ভাল লাগে না। মলিনা চায় জয়ন্তীকে আত্মীয়ের মতো করে টেনে নিতে, তার করুণায় সে পুনর্জীবন লাভ করেছে। জয়ন্তীর সংস্পর্শে এসে আজ মলিনার বাঁচতে ইচ্ছা করে, তাড়াতাড়ি সেরে

ওঠবার তার অসীম আগ্রহ। জীবনের যা কিছু রমণীয়, বিছানায় শুয়ে আঙুলের ফাঁকে তা আর গলে যেতে দেবে না মলিনা। শৈলপতির সর্বব্যাপিত্ব ও প্রাধান্য যেন ইদানীং কমে এসেছে, সে আর এখন মলিনার রুগ্ন জীবনের অনিবাধ্য প্রয়োজন নয়, কিন্তু জয়ন্তীর প্রয়োজনীয়তা এখন অপরিহার্য।

মলিনা দেখাতে চায় সে যেন সেরে উঠেছে, কিন্তু সেই বৃহত্তেই ফিরে আসে ব্যথার প্রকোপ। এবারকার আক্রমণ আরো গভীর—আরো ব্যাপক, ফলে মফিয়া দুদিন মলিনাকে গুম পাড়িয়ে রাখলে, এর পর মলিনা আরো ক্ষীণ হয়ে পড়লো। সেরে উঠবার বাসনা ভেঙে গেল, জয়ন্তীকেও আর সব সময় ভাল লাগে না, সেই সময় মলিনার মনে হয়, আর এ জীবনে কি প্রয়োজন, বেঁচে থাকার কোনো মানে নাই।

ক্রমশঃ এ ভাবও কাটলো, আবার জয়ন্তীর কাছে মলিনা শোনে হাসপাতালের গল্প, ডাক্তারের কাহিনী, মেট্রনের মেজাজ, আরো কত কি—মলিনা অবাক হয়ে যায়। ডাক্তার আর নাস, মলিনার কাছে এদের আসন অনেক উঁচুতে, কিন্তু জয়ন্তীর গল্পে অনেক রহস্যের যদনিকা উঠলো।

শৈলপতির মনে আর তেমন আনন্দ নেই, জয়ন্তী ঘরে থাকলে সে মলিনার কাছে আসতে কুণ্ঠিত হয়, মলিনা মনে মনে ভাবে—ঈর্ষা, শৈলপতি এলে তাই জয়ন্তীকে ইসারা করে বাইরে পাঠিয়ে দেয়। তারপর শৈলপতি মলিনার লিকলিকে সরু হাতখানা তুলে নিয়ে আদর করে, দুটো মিষ্টি কথা বলে—আশার কথা, সাস্বনার কথা। মলিনা শীগগির সেরে উঠবে।

কিন্তু এও বাঁধা ফর্মুলা, মলিনা যে সেরে উঠবে সে বিশ্বাস তার নেই।

আজকাল শৈলপতির জীবনে উচ্ছৃঙ্খলতার আভাস পাওয়া যায়। গলার আওয়াজ ভারী, প্রকৃতি গম্ভীর হয়ে ওঠে। একবার ফিরে আসে—আবার কোথায় বেরিয়ে যায়, কপালের কুঞ্চিত রেখা স্পষ্ট হয়ে ওঠে। মলিনা সবই বোঝে। বাক্যের অসংযম, ব্যবহারে দীপ্তির অভাব—সবই তার চোখে ধরা পড়ে। তবু সে নির্লিপ্ত ভঙ্গীতে চুপ করে থাকে।

মলিনার বিরক্তি বেড়ে যায়, জয়ন্তীকে কি শৈলপতি মলিনার কাছ থেকে বিচ্ছিন্ন করে নিতে চায়। শৈলপতির স্বার্থপরতায় মলিনা যতই উত্তেজিত হয়—ততই তার জয়ন্তীর ওপর নির্ভরতা বেড়ে চলে।

‘আধো-ঘুম আধো-জাগরণে মলিনার মনে হয়, জয়ন্তী যেন স্বর্গের দেবী, মলিনাকে স্নুস্নু করবে বলে নেমে আসছে স্বর্গ থেকে, মাথার চার পাশে বিকিরিত স্বর্গীয় জ্যোতিরঙ্গা, হাতে অমৃতভাণ্ড, কুতাজলিবদ্ধ মলিনা সবিনয়ে অমৃত প্রার্থনা করছে, কিন্তু অদৃশ্য লুতাতস্তুর বাধা অতিক্রম করে কিছুতেই আর জয়ন্তী কাছে পৌঁছতে পারছে না, শৈলপতিই সেই অদৃশ্য স্ত্রের এক প্রাস্তর ধরে আছে, বিশ্রী চীৎকার করে গাত্রবস্ত্রের ঘনতর সংস্পর্শের কৃত্রিম অন্ধকারে মুখ ঢাকলে মলিনা। জয়ন্তী তাড়াতাড়ি ছুটে এলো, কিন্তু সেই যে মলিনার ঘুম ভাঙলো, কিছুতেই আর ঘুম আসে না, অবশেষে জয়ন্তীকে ঘুমের ওষুধ দিতে হ’ল ॥

শৈলপতির সেদিন শহরে যাবার কথা, ঘুম ভেঙে মলিনা কিন্তু পাশের ঘরে টুকরো টুকরো কথা শুনে পেল, কলহাস্ত্রের উচ্ছ্বাসে কথা মাঝে মাঝে চাপা পড়ে যাচ্ছে। তখনও ঘুমের ঘোর ভাল করে কাটেনি, তবুও ঘুম ছাড়িয়ে কথা কানে ছড়িয়ে পড়ছে। মলিনার দক্ষিণের জানলা দিয়ে নদী দেখতে পাওয়া যায়, নিস্তরঙ্গ শান্ত নদীর দিকে চেয়ে নিম্পন্দ মলিনা ক্ষণকাল চুপ করে পড়ে রইল, কান রইলো পাশের ঘরের নরনারীর গুঞ্জে। কোনো কথাই স্পষ্ট বোঝা যায়না, তবু পুরুষের কণ্ঠ পরিচিত, শৈলপতির চিরপরিচিত হাসি মলিনার ভোলবার কথা নয়। হাস্যরত শৈলপতির মুখখানি মলিনার স্পষ্ট মনে পড়লো।

প্রকম্পিত হ'ল পৃথিবী, এক মুহূর্তে সব শেষ হ'ল, মূর্ত্তি গেল ভেঙে, সুর হ'ল ম্লান। যে দুজনকে ও বিশ্বাস করে, যাদের ওপর একান্ত অসহায়ের মতো নির্ভর করে আছে মলিনা, তারাই ওকে চূর্ণ বিচূর্ণ করল। ভীত, চকিত মলিনা উত্তেজনায় উঠে বসলো। রুগ্নকণ্ঠে আর্তনাদ করে উঠলো, - জয়ন্তী, জয়ন্তী, নাস'!

রাজ্যহারা অনাথার আকুল আর্তনাদ।

ছুটে এলো জয়ন্তী, একি আপনি উঠেছেন কেন দিদি? সে কথার উত্তর না দিয়ে যেন বিকারের ঘোরে মলিনা চাংকার করে জিজ্ঞাসা করলে, কে কথা কইছে, ওঘরে ওরা কারা?

—ও, ওঘরে, ইলেকট্রিকের মিটার দেখতে এসেছিল, চলে গেছে, এই বলে জয়ন্তী দরজাটা আন্তে আন্তে ভেজিয়ে দিলে। এই দরজার দামনে দিয়েই বাইরে যাবার রাস্তা।

মলিনা তীক্ষ্ণকণ্ঠে বললে—থুলে দাও শীগগির, থুলে দাও দরজা।

পায়ের শব্দ মিলিয়ে গেল, একটু হেসে জয়ন্তী দরজা খুলে দিলে।
লোকটি ইতিমধ্যে চলে গেছে।

বিছানা থেকে উঠতে গেল মলিনা, কিন্তু ঠিক সেই সময়েই বৃকের
ব্যথাটা আবার বেড়ে উঠলো, সেই যন্ত্রণার মধ্যেই মলিনা সদর দরজা
বন্ধ করার আওয়াজ শুনতে পেল।

জয়ন্তী মলিনার কাছে দৌড়ে এলো, মুখের হাসি তখন মিলিয়ে
গেছে। বৃকে হাত বুলোতে বুলোতে বললে, এখনি কমে যাবে,
সেরে যাবে, ভয় নেই দিদি, আপনি একটু চুপ করে শুয়ে
থাকুন।

মলিনা জানে, এ ব্যথা আর সারবে না, বেলা শেষ হ'ল, এবার
ভাঙার পালা। যন্ত্রণায় টুকরো টুকরো হয়ে পড়ছে মলিনা, অসহায়
দৃষ্টিতে চেয়ে আছে জয়ন্তীর মুখের দিকে, এ ব্যথার অংশ নিক জয়ন্তী,
তবু মনে মনে সে আর তাকে বিশ্বাস করে না। জয়ন্তী যেন আর সে
জয়ন্তী নয়। সতর্ক হয়েছে বটে জয়ন্তী, তবু তার সারা অঙ্গে পুরুষ
সংস্পর্শের মদির উত্তেজনা বর্তমান—নারীর চোখে নারীদেহের এই
বিচিত্র রহস্য নগ্ন ও স্পষ্ট হয়ে উদ্ঘাটিত হোল। তীব্র ও তীক্ষ্ণ ব্যথায়
মলিনা মূর্চ্ছিত হয়ে পড়ল।

কিন্তু মলিনার ব্যথা কমলে দেখা গেল, জয়ন্তী ফুলে ফুলে কাঁদছে।
জয়ন্তী বললে, অনেকের সেবা করেছি, কর্তব্য বলেই করেছি,
কিন্তু আপনার কষ্ট আর দেখতে পারি না, আপনি সেরে উঠুন
দিদি।

খাটের পাশে বসে মাথাটা বিছানায় এলিয়ে দিয়েছে জয়ন্তী গভীর-
তম বেদনায়, বিশীর্ণ আঙুল দিয়ে মলিনা সন্মুখে তার মাথার অবিগ্ৰস্ত

নির্জন গৃহকোণে

চুলগুলি ঠিক করে দেয়। এ সংসারকে ভালবাসবার ক্ষমতা আজো মলিনার বর্তমান, এই আনন্দেই সে আত্মহারা হয়ে রইল।

বিছানার চাদরে মুখ ঢেকে জয়ন্তী পড়েছিল, মলিনার আঙুলের শান্ত স্পর্শে জয়ন্তীর মনোভার নেমে গেল। যেন জননীর অভয়স্পর্শে নিভৃত নোড়ে সন্তান আশ্রয় নিয়েছে।

মলিনা বলে, তোমার কাছে যা পেয়েছি তা আমি ভুলতে বসে-ছিলুম। এর পর মলিনাও কেন্দ্রে ভেঙে পড়ে, বিছানায় শুয়ে শুয়ে জীবনের গতি-প্রাবল্যের ঝড়, রঙ ও লাশ সব সে হারিয়েছে, দেয়ালে মাথা খুঁড়ে মরছে শরতের সোনালি রোদ, জানালার সাসীতে আছাড় খায় নদীর ঢেউ, বর্ষার বৃষ্টিধারা। আর এই নির্জন গৃহকোণে রোগ শয্যায় শুয়ে আছে রোগজীর্ণা মূর্তিমতী অশান্তি, মৃত্যুর নিঃশব্দ পদধ্বনি শোনবার আকুল আশায় পড়ে রয়েছে মলিনা।

যথারীতি পরদিন সকালে শশিশেখরবাবু এলেন, সেদিন মলিনাকে দেখে খুঁসি হলেন। এতদিনে তবু একটু আশা হ'ল। ডাক্তারবাবু চলে যাবার পর মলিনা ঘুমিয়ে পড়লো—গভীর ঘুম। দুতিন ঘণ্টা পরে ঘুম যখন ভাঙলো, তখন দুপুর গড়িয়ে প্রায় বিকালে পৌঁছেছে। শান্ত হয়ে শুয়ে রইল মলিনা, নদীর গতিবিতঙ্গ লক্ষ্য করতে লাগল। উপরে অশান্ত ঢেউয়ের উচ্ছ্বাস, অথচ অন্তরে নিবিড় প্রশান্তি। জয়ন্তী বলে—সেরে উঠুন দিদি, সেরে উঠতে কার না সাধ! মাটির ভিতর থেকে উদ্ভিদের উদ্ভব, তারপর একদা সেই নীলবস্তুর কুঁড়িতে ফুল

ফোটে—সেই তার সার্থকতা, নদীর জল তট-ভূমিতে আছাড় খেয়ে
আহত আনন্দে অভিভূত হয়—সেই তার সার্থকতা । /

সাগরতরঙ্গের উদ্যম উচ্ছ্বাস অন্তরে অনুভব করলে মলিনা । সেই
মুহূর্তেই মনে হলে যেন তার নিশ্বাস আটকে আসছে । আতঙ্কে শিউরে
উঠলো মলিনা । জয়ন্তী, জয়ন্তী !

কোনো সাড়া নেই, রুদ্ধ ঘরের বাইরে পৌঁছলো না সে আওয়াজ ;
প্রতিধ্বনি ফিরে এলো, জয়ন্তী, জয়ন্তী !

আর একটু অপেক্ষা করলে মলিনা, কোনই সাড়া নেই । হয়ত
জয়ন্তী কলঘরে আছে । খাট ধরে আশ্বে আশ্বে মেঝেয় নেমে
এলো মলিনা, তারপর দেয়াল ধরে ধরে ঘরের বাইরে এসে
দাঁড়ালো ।

ছ' মাসের মধ্যে এই প্রথম ঘর ছেড়ে বেরুলো মলিনা ।

জয়ন্তী ! রুগ্ন কণ্ঠে জোর নেই, অবসন্ন হয়ে মলিনা আবার ডাকলে,
জয়ন্তী !

মৃত দেয়ালের গায়ে আহত হয়ে ধ্বনি ফিরে এলো । রান্নাঘরে,
দালানে, কলঘরে কোথাও জয়ন্তী নেই, কেউ নেই ।

মলিনার পায়ের নীচের মাটি সরে গেল । মলিনা শেষবার ডাকলে
জয়ন্তী ! অসীম শূন্যে মিলিয়ে গেল ক্ষীণকণ্ঠের প্রতিধ্বনি । শুধু ছরস্তু
নদীর জল-কল্লোল সেই নির্জন গৃহকোণে ভেসে এলো ।

প্রবল হয়ে উঠলো বৃকের ব্যথা, সজোরে দুর্বল আঙুল দিয়ে বুকটা
চেপে ধরলে মলিনা, এখনই ঘরে ফিরতে হবে, কিন্তু এটুকু পথ ফিরে
যাবার ক্ষমতা তার আর নেই, কান্নায় মলিনার চোখ ঝাপসা হয়ে এলো

অসহায় শিশুর মতো কাঁদতে লাগল মলিনা। কুঁড়িতেই শুথিয়ে গেল ফুল, পাপড়ি বারে গেল, ফোটার অবসর নেই।

বিছানার ধারে মলিনা পৌঁছতে পারলে না, দক্ষিণের জানলার ধারে ক্ষীণ মুঠিতে চেয়ারটা ধরে মলিনা বসে পড়লো, ব্যথায় যন্ত্রণায় সারা দেহ তার এখনই ছিন্ন বিচ্ছিন্ন হয়ে যাবে।

মলিনার চোখে আর জল নেই, ব্যথার যন্ত্রণায় কাঁদবারও তার শক্তি নেই, আতঙ্কের স্নায়ুকেन्द्र থেকে ব্যথার দুঃসংবাদ প্রতিধ্বনিত হয়ে সারা দেহের স্নায়ু-শিরায় সংঘর্ষ শুরু করেছে। অসহ বেদনায় শতধা বিভক্ত হয়ে পড়লে মলিনার রোগজীর্ণ দেহ। বাইরে গজ্জন করছে বর্ষা-বিস্ফারিত নদী। কোনো সংযোগ নেই ওদের মলিনার জীবনের সঙ্গে, তবু যেন ওরা একই সূত্রে জড়িয়ে পড়েছে।

এতক্ষণে সদর দরজা খোলার আওয়াজ হ'ল, জয়ন্তী ফিরলো তাহলে, পরম নিভরতায় সাময়িকভাবে বেদনার তীব্রতা কমলো। অর্ধ-অচেতন মলিনা নিস্পন্দের মতো পড়ে আছে।

পায়ের ধ্বনি ক্রমশঃই এগিয়ে এল,—রাণী কি খবর ?

জয়ন্তী নয় শৈলপতি ফিরলো। মুখে কথা বেরোল না, নড়বার ক্ষমতা নেই মলিনার।

শৈলপতি ঘরে ঢুকে দেখলে—চেয়ার ধরে মোবায় পড়ে আছে মলিনা, তার ধূসর রুক্ষ চুলগুলি পিছনে ভেঙে পড়েছে, লুটিয়ে পড়েছে তার বিস্রস্ত কাপড় আর দেহ, রক্তহীন পাংশু মুখে তীব্র ব্যথা ও অসহ

নির্জন গৃহকোণে

বেদনার চিহ্ন বর্তমান। মৃত্যুর ভয়ঙ্করতা অবশেষে সেই নির্জন গৃহকোণে এনেছে পরম প্রশান্তি।

জীবন ও মৃত্যুর প্রান্তসীমায় এসে আত্মাকে অবিদ্বন্দ্বিত করার ব্যাকুল অনুপ্রাণনায় মলিনা মাথা খুঁড়ে মরেছে, ইচ্ছা শক্তি ও সামর্থ্য তার প্রাণহীন দেহ থেকে নির্গত হয়ে নিরাকার সাক্ষ্য বাতাসে মিলিয়ে গেছে। ধূসর অন্ধকারের নিবিড় ছায়ায় হারিয়ে গেছে মলিনা—শেষ নিশ্বাসের সঙ্গে প্রাণশক্তি মুক্তি পেয়েছে। আজ আর শৈলপতির নয়, মৃত্যুর স্পর্শের সমুদ্রে মূচ্ছিত হয়ে পড়ে আছে মলিনা।

ভাই-বোন

বিপুল শরীর শূন্যে নিক্ষেপ করে ভবতারণ চীৎকার করে উঠলেন, ছিঃ ছিঃ, সুরুয়ায় কি ভয়ানক হুন দিয়েছো, অ' সুরবালা, তোমাদের কি আক্কেল-বিবেচনা সব লোপ পেয়েছে ? সারা দেহ চাদরে আবৃত করে শুধু মুখখানি বার করে তীক্ষ্ণ তিক্ত কণ্ঠে ভবতারণ আবার বলতে লাগলেন, হুন খেলে ব্লাড্ প্রেসার বাড়ে, ডাক্তার যে পই-পই করে বলে দিয়েছে। তারপর চাদরটা গা থেকে সম্পূর্ণ খুলে ফেলে, হট ওয়াটার ব্যাগ, বালিশগুলো সব মেঝেতে ফেলে দিয়ে ভবতারণ অপেক্ষাকৃত নরম সুরে বললেন—আমি মরি তাই চাও, না সুরবালা ! ভবতারণের চোখ বেয়ে জল পড়তে লাগল।

সহিষ্ণুকণ্ঠে সুরবালা বলে উঠল—ওকি কথা দাদা, সব গিয়ে তুমিই যে আমার সব ! কোনো কথা কি তোমার মুখে আটকায় না।

ভবতারণ বললেন—থাকবে না কেন, ঢের আছে, কেন পুলিন ? কথা কটি অল্প বটে তবু তা সুরবালার অস্তরের মর্মস্থলে তীব্রভাবে আঘাত করলো ! ভবতারণের অর্থসূচক দৃষ্টি সুরবালাকে পীড়িত করে। পুলিন সুরবালার স্বামীর নাম। সুরবালা শাস্তকণ্ঠে বলল—হাঁ, ভাই-বোনের মধ্যে তুমি, আর উনি আমার স্বামী, এই আমার সম্বল।

সুরবালার কণ্ঠে করুণার আবেদন। হট ওয়াটার ব্যাগটা মেঝে থেকে তুলে নিয়ে ভাইয়ের পায়ের তলায় রেখে দিলে সুরবালা।

নির্জন গৃহকোণে

আবার লাথি মেরে হট্ ওয়াটার ব্যাগ ফেলে দিয়ে রোগশয্যা থেকে ভবতারণ বল্লেন—বল্বো, পুলিনকে একদিন সব বল্বো—

নিজের বুকটি চেপে ধরে উত্তেজিত সুরবালা বল্লেন—কখনই না, কি বল্ববে তুমি ? ”

প্রতিক্রিয়া লক্ষ্য করতে করতে আবার বল্লেন ভবতারণ—একদিন কিন্তু বল্বো ! এই কথা চিরদিন সুরবালাকে শঙ্কিত করে এসেছে । উভয়েরই বয়স প্রৌঢ়ত্বের প্রান্তসীমায় পৌঁছেছে, সুলকায় রুগ্ন ভাই ভবতারণ দীর্ঘকাল ধরে ধারাবাহিক অনুযোগ ও ভীতিপ্রদর্শন করে প্রায় সমবয়স্ক্য বোন সুরবালাকে সশঙ্কিত করে রেখেছে । সুরবালা ম্লানমুখে ভবতারণের রোগশয্যার পাশে দাঁড়িয়ে নানাবিধ কটু কথা শুনে যায় এবং যথাসম্ভব অনুনয় করে উত্তর দিয়ে রুগ্ন ভাইটিকে শাস্ত রাখবার চেষ্টা করে ।

কিঞ্চিৎ সাহস সঞ্চয় করে একটু ইতস্ততঃ করে সুরবালা বল্লেন—এই ত’ পরশু দিন যখন তোমার জন্মে সুরুয়া তৈরী করছিলুম, তুমি বল্লেন একদম আলুনী হয়েছে, মুন নেই একটুও !

—ছিল না তাই বলেছি !—তারপর মশারির দিকে চেয়ে কতকটা আত্মগত ভাবেই ভবতারণ বল্লেন—এতদিন রান্না করেও সুরুয়ায় কতটুকু মুন দিতে হবে তাও শিখলে না, বেশীও নয়, কমও নয়, ঠিক যতটুকু দরকার । হা ভগবান্ !

দীর্ঘশ্বাস ফেলে অসম সাহসে ভর করে সুরবালা আবার বল্লেন—বেশ যদি বল ত’ আমি না হয় মুন না দিয়ে সুরুয়া তৈরী করে দেব, তুমি ঠিক করে মুন দিয়ে নিও ।

ভবতারণ ছঙ্কার দিয়ে উঠলেন—যেমন বুদ্ধি তোমার, মুন না দিয়ে রাঁধবেন, মুন পরে মেশালে চলে না, রান্নার সময়েই দিতে হয়, সকলেই

একথা জানে, রোগীর মেটাবলিজমের ওপর তা'র কেমিক্যাল এ্যাক্সন কি হয় তা'র খবর রাখো, কিই-বা জানো, মেটাবলিজমে তোমার আর কি এসে যায়।

এই জাতীয় অনেক কথা দীর্ঘকাল ধরে ভবতারণ বিভিন্ন ডাক্তারের কাছে শুনে শিখেছেন, সময় বুঝে এক-একটা অব্যর্থ প্রয়োগে সুরবালাকে একেবারে মাটিতে মিশিয়ে দেন।

সুরবালা তবু ভয়ে ভয়ে বলে—আমি তোমার মেটাবলি জানি।

দৃঢ়কণ্ঠে ভবতারণ বলে উঠলেন—ছাই জানো—কিছু জানো না, এতদিন শেখা উচিত ছিল অনেক কিছুই, কখনও এক লাইন খবরের কাগজ পড়ো? কত কি ঘটে যাচ্ছে তা'র খবর রাখো? তোমার এই মূর্খতার হাতেই আমার মৃত্যু হ'বে।

—সাধ করে কি আর করছি, না এ আমার ইচ্ছে! সুরবালা জবাব দেয়।

—নিশ্চয়ই সাধ করে, চেষ্টায় কি না হয়, চেষ্টা করেছ' কখনও!

ভবতারণ চীৎকারে যেন বিস্ফারিত হয়ে গেলেন, বাইরের বারান্দায় বেরালটা কুণ্ডলী পাকিয়ে রোদদুরে শুয়েছিল, সে একবার লেজটি উঁচু করে ভবতারণের বিছানার চারপাশে ঘুরে গেল। বাচ্ছা অবস্থা থেকে এই জাতীয় মধুর চীৎকারে সে অভ্যস্ত, কিন্তু এ' বিষয়ে তা'র অভিনত জানবার কোনও উপায় নেই। মনুষ্য-সমাজের ওপর তার যেন কতকটা অবজ্ঞা ও উপেক্ষার ভাব বর্তমান, তার মার্জারীয় আভিজাত্যের উচ্চতায় সে এ'সব ব্যাপারের অনেক উর্দ্ধে বিচরণ করে, সুতরাং এই ব্যাপারে তার এমন নিলিপ্ত নিস্পৃহভাব।

বেরালটিকেও সুরবালাকে নিজের হাতে খাওয়াতে হ'বে। বাড়িতে

নির্জন গৃহকোণে

দাসী-চাকরের অভাব নেই, তবু ভবতারণ আর বেরাল উভয়েরই পরি-
চর্যার ভার সুরবালার হাতে, এতটুকু ক্রটি হ'বার উপায় নেই, তা'হলেই
ভবতারণ চীৎকার করে উঠবে—পুলিনকে বলে দেব !

আর এই কথাতেই সুরবালা সচকিত হয়ে উঠতো ।

পুলিন সুরবালার স্বামী, মাঝে মাঝে এ'ঘরেই বসতো, কিন্তু সে
নিদ্রিত কি জাগ্রত সে-সম্বন্ধে যথেষ্ট সন্দেহের অবকাশ থাকতো, তাই,
এরা ভাইবোনে কিংবা বেড়াল কেউ তার দৃষ্টি-আকর্ষণের চেষ্টা করেনি ।
পুলিন যেন—‘দুঃখেষু অল্পদ্বিগ্নমনাঃ স্তথেষু বিগতস্পৃহঃ, বীতরাগ ভয়
ক্রোধঃ ।’ পুলিন কানে একটু খাটো, ছোট কথা বড় কানে পৌঁছয় না,
কাজেই কিসের যে আন্দোলন চলেছে সব সময় সে ঠিক বুঝতে পারে
না—তার কানে ফোনের মতো একটা যন্ত্রের ব্যবস্থা ছিল, কানে
খানিকটা গৌড়া থাকে—দু'একটা নল বুকে এসে নেমেছে, সেখানে
একটা রিসিভারের মত ছোট যন্ত্র, বেশী গোলমাল হোলে পুলিন কান
থেকে সে'টা খুলে নিয়ে যন্ত্রটা নামিয়ে রেখে চোখ বুজে হয় ঘুমোত,
নয় ঘুমোবার ভাণ করতো ।

বেলুড়ে গঙ্গার ধারে পুলিনদের মস্ত বাড়ি, এই বাড়িতেই পুলিন ভূমিষ্ঠ
হয়েছে, মাহুষ হয়েছ, এখন শেষ জীবনে পৌঁছেছে, এই পৈতৃক বাড়ীর
সঙ্গে সে উপযুক্ত পরিমাণে অর্থ পেয়েছিল । এই সম্পত্তির উপর পুলিন
নিজে বিশেষ কিছু যোগ করে নি কিংবা নষ্টও করেনি এক বিন্দু ।
পুলিন সাদাসিধে ঠাণ্ডা মাহুষ, ছেলেবেলা থেকেই গৌড়া রক্ষণশীল

নির্জন গৃহকোণে

প্রকৃতির, আইন ও সমাজনীতির পরিপোষক, সম্ভ্রান্ত নাগরিক। এইসব ব্যাপার ছাড়া সংবাদ-পত্রে পুলিন 'Vox Populi' 'Pro Bono Publico' ইত্যাদি ছদ্মনামে প্রায়ই চিঠি লেখে, এতেও তার অনেকটা সময় ব্যয়িত হয়।

বাড়িতে অন্ততঃ বারো চোদ্দখানি ঘর আছে, তবুও ভবতারণকে কেন্দ্র করে এ'ঘরটিতেই তিনটি প্রাণীর সম্মিলনস্থান, ভবতারণ একা থাকা পছন্দ করেন না, ঘরে কেউ না থাকলে তার মনে হয় তাকে জঙ্গ করবার একটা ষড়যন্ত্র চলেছে। বধিরতা সত্ত্বেও পুলিন এটুকু বোঝেন যে ভবতারণের রোগশয্যায় সর্বদাই একটা না একটা গোলমাল লেগেই আছে। কিন্তু এর অন্তরালের ভয়ঙ্কর নাটিকা সম্পর্কে তার কোন ধারণাই নেই, পুলিন জানে না যে এই নাটিকার প্রধানতম কেন্দ্রস্থল সে নিজে, তা'কে অনুবর্তিত করেই ঘটনা-প্রবাহ চলেছে। এই পারিবারিক সম্ভ্রাস-জনক ঘটনা প্রতিদিন প্রায় প্রতি ঘণ্টাতেই তা'র চোখের সামনে ঘটছে, কিন্তু সে বোঝবার শক্তি তার নেই।

বিংশ শতাব্দীর চতুর্থ দশকে এই তিনটি বিগত যৌবন প্রৌঢ়েরা এসে পৌঁছেছেন। এর মধ্যে সুরবালার একবার কি যেন পদস্থলন হয়েছিল, ব্যাপারটা ঠিক যে কি ধরনের সে বিষয়ে অবশ্য কারুর কিছু জানা নেই, ভবতারণের সে সংবাদটুকু জানা আছে এবং শুধু এই কারণেই ভবতারণ সুরবালাকে ক্রীতদাসী করে রেখেছেন।

'পুলিনকে বলে দেব' এই কথাটুকু ভবতারণের মুখ থেকে উচ্চারিত

হ'লেই সুরবালা আতঙ্কে শিউরে উঠতেন ! কখনও মৃদুকণ্ঠে, কখনও সুর একটু তুলে ভবতারণ সুরবালাকে ভয় দেখান, সুরবালার সারা শরীর আতঙ্কে কণ্টকিত হয়ে উঠে, মুখখানি বিবর্ণ হ'য়ে যায়, কেননা দশ হাত দূরেই পুলিন বুদ্ধমূর্তির দিকে চেয়ে নীরবে বসে আছে ।

কিছুকাল ধরে, ঠিক কোন সময়ে, কতশো সালে সুরবালার চরিত্রে কলঙ্ক স্পর্শ করেছিল এই নিয়ে ভাইবোনে তুমুল তর্ক হোত । ভবতারণ বলতেন—১২৯০ সালে চড়কের মেলায়, সুরবালা বলতো—১২৯৮ ।

ভবতারণ বলতেন—মিথ্যে কথা বোলোনা সুরবালা, আমার বেশ মনে আছে । তোমাকে খুঁজে পাওয়া গেল না, বাবা পুলিশে খবর দিলেন, মা কাঁদতে লাগলেন, এত' সেদিনের কথা, তিনদিন পরে ওয়াটগঞ্জের দারোগার কাছ থেকে খবর পাওয়া গেল, বাবা তখনই তোমাকে আনতে গেলেন ।

সুরবালা কতকটা উত্তেজিত হয়েই বলে—অস্বখে ভুগে তোমার মাথার ঠিক নেই দাদা, আমি তোমার ছোট বোন, একি তুমি আলোচনা করছ ।

ভবতারণ বলতেন—আলোচনা কি আর সাধে করি, তোমার ব্যবহারে করি, তুমি যে চরিত্রের মেয়ে !

সুরবালা আর শাস্ত থাকতে পারে না—দেখ দাদা, আমি তখন কতটুকু, তারপর আমাকে গুণ্ডারা ধরে নিয়ে গিয়েছিল আমার ইচ্ছার বিরুদ্ধে, তার জন্মে কি আমি দায়ী ?

—কতটুকু বৈ কি ! তখন ত' তোমার বিয়ে হ'য়েছে ।

—না, তার দু'বছর পরে আমার বিয়ে হোল ।

—কখনই না, আমার বেশ মনে আছে, তখন তোমার বিয়ে হ'য়েছে।

—বয়স হয়েছে তোমার, সবকথা আর তোমার এখন তেমন মনে থাকে না।

—কি বয়স হয়েছে? কত বয়স হয়েছে শুনি? আমার চেয়ে তুমি মোটে তিন বছরের ছোট, বয়স কি আমার একলার হ'য়েছে!

—বয়স দুজনেরই হয়েছে মানি, কিন্তু দিন রাত্তির এই পুরানো কাস্থন্দি ঘেঁটে লাভ কি দাদা!

—লাভ আর লোকসান, কি যে তোমার মনে আছে কে জানে? তোমরা সব করতে পার। তারপরই ভবতারণ কঁাদ-কঁাদ হ'য়ে বলেন, —তোমাদের আশ্রয়ে আছি তাই যা খুসী তাই বলো।

সুরবালা ব্যস্ত হয়ে বলে—কেন, তোমাকে কি বলেছি দাদা? আমার যথাসাধ্য আমি তোমার সেবা করেছি, তাতেও তোমার—

ভবতারণ উত্তেজিত হ'য়ে চীৎকার করে উঠতো—কি আর বলবে, বুড়ো, মাথার ঠিক নেই, কত কি বলে, ব্যাপিকা রমণী কিনা—

—‘দাদা—’ বলে কেঁদে সুরবালা ঘর ছেড়ে চলে যায়। এমনই হয় প্রায় প্রতি দিন, একই কথার পুনরাবৃত্তি, একই অভিনয়।

পুলিন নির্ঝাঁক চিত্রে যথারীতি সংবাদ-পত্রে চিঠি লিখে চলেছে, কখনও ‘কম্যুন্সাল এওয়ার্ড’, কখনও বা কংগ্রেস, তারপর যুদ্ধ ত’ একটি ব্যাপক বিষয়, বিষয়ের কখনও অভাব ঘটে না; কিন্তু শান্ত হলেও

পুলিনের রাগ আছে, গঙ্গার ধারে ইদানীং একটু পায়ে-চলা পথ হ'য়েছে, তা নিয়ে পুলিনের আর উত্তেজনার সীমা নেই! চাকরদের ছকুম দিয়েছে, ওদিক দিয়ে কেউ গেলেই তাকে সোজা আমার কাছে ধরে নিয়ে আসবি। মাঝে মাঝে পূর্বদিকের জানালার দিকে গম্ভীর ভাবে চেয়ে থাকে পুলিন।

স্বরবালা বলে—ঐ এক খেয়াল, গেলেই বা বাপু ওদিক দিয়ে লোক, সোজা হয় তাই যায়।

ভবতারণ বলেন—হঁ! সোজা হয়, এর ভেতর অনেক মানে আছে স্বরো সে কথা ত' তোমার বোঝা উচিত।

স্বরবালা আশ্বে আশ্বে কি উত্তর দেয় শোনা যায় না।

ছপূরে ঘুম ভেঙ্গে উঠেই পুলিনের প্রথম জিজ্ঞাসা,—ওদিক দিয়ে আর কোনও লোক টোক গিছিল নাকি স্বরবালা?

কতকটা সচকিত হ'য়েই স্বরবালা বলে—কিসের লোক?

পুলিন একটু হেসে বলে—না অম্লিই বলছি—কোনো লোক যাচ্ছিল কি না! তারপর চেয়ারে সোজা হয়ে বসে পুলিন উৎকর্ষ আগ্রহে গঙ্গার দিকে চেয়ে থাকে। যদি কেউ এসে পড়ে পুলিন তাকে কঠিন শাস্তি দেবে।

ভবতারণ বলেন—পুলিন যেন দিন দিন কেমন হয়ে যাচ্ছে, আমার দিকে এমন ভাবে চেয়ে থাকে যেন ভূত দেখেছে। যারা ভূত দেখতে পায় স্বরো, তারা তোমার মনের কথাও জানতে পারে। মনের অগোচর পাপ নেই স্বরবালা, একটু সাবধানে থেকো।

হতাশার সুরে স্বরবালা বলে—তোমার জন্ম কি আমি আর কিছু ভাবতে পারবো না দাদা।

নির্জন গৃহকোণে

পৃথিবীর পরিবর্তন ঘটেছে, পদার্থ-বিজ্ঞান, অর্থনীতি, ব্যবসা ও বাণিজ্য, রাজনীতি, সমাজনীতি সর্বত্র পরিবর্তন ঘটেছে, কিন্তু তৎসঙ্গেও এই দুটি ভাই-বোনের ব্যক্তিগত বিরোধের অবসান ঘটেনি। বেতার, বিমান, সিনেমা, লক্ষ লক্ষ প্রাণীকে আকর্ষণ করেছে, কিন্তু এদের ভাই-বোনের বিচার বিবেচনার কোনো পরিবর্তন নেই; ১২৯০ কিংবা ১২৯৮ সালে সুরবালা গুণ্ডার কবলে পড়েছিল, রোগশয্যায় শুয়ে জীবনের শেষ প্রান্তে এসে ভবতারণ কিছুতেই আর সে কথা ভুলতে পারছেন না।

সুরবালা অবশেষে বিদ্রোহ ঘোষণা করল; এতকাল যে কথা চেপে রাখবার জন্মে ভবতারণকে সে ভয় করে এসেছে, আজ আর তার ভয় নেই! চোখ বুজিয়ে চেয়ারে পুলিন চূপ করে বসে আছে। বিড়ালটি জান্‌লার উপর নিঃশব্দে বসে আছে। বিছানায় শুয়ে ভবতারণ এপাশ-ওপাশ করছেন। সুরবালা চূপ করে বুদ্ধমূর্তির দিকে চেয়ে বসেছিল। কোনো দিন সুরবালার মনে এত উত্তাপ সঞ্চারিত হয়নি। নিম্নরঙ্গ নদীর দিকে চেয়ে সুরবালা সশব্দে হেসে উঠল, সহসা তার মনে হয়েছে ভবতারণকে আর ভয় নেই। এ'রকম আকস্মিক এবং অস্বাভাবিক হাসিতে ভবতারণ উত্তেজিত হয়ে বিছানায় উঠে বসলেন, তারপর বিস্ময় বিস্ফারিত দৃষ্টি নিক্ষেপ করে চীৎকার করে উঠলেন ভবতারণ— সুরবালার যে ভারী স্মৃতি দেখছি, হাসবার কি হোল, আমার দুর্বস্থা দেখে তোমার হাসি পাচ্ছে না—?

—না—তোমার অবস্থার জন্মে হাসিনি। শাস্ত কণ্ঠে বলে সুরবালা।

—তবে হাসছ কেন? কারণটা কি শুনি?

—তোমার, আমার, আমাদের সবায়ের কথা ভেবে হাসছি। আবার হেসে ফেটে পড়লো সুরবালা।

রাগে উন্মত্ত হ'য়ে ভারী দেহের অর্দ্ধাংশ খাট থেকে নামিয়ে সুরবালাকে শাসিয়ে ভবতারণ বল্লেন—

হাসি-টাসি চলবে না, ওতে আমার কষ্ট হয়, না খাম্লে আমি সব কথা পুলিনকে বলে দেব!

শাস্ত-সমাহিত ভঙ্গীতে হেসে সুরবালা বল্লেন—বেশত' বোলো।

বিস্ময়ে অবাক হ'য়ে রইলেন ভবতারণ, সুরবালার কথা তাঁর যেন বিশ্বাস হয় না, তীক্ষ্ণকণ্ঠে ভবতারণ বল্লেন—আমাকে মেরে ফেলবে, তুমি আমার বোন!

একথার কোনও উত্তর দিলেন না সুরবালা।

অবশেষে সুরবালা অপেক্ষাকৃত উত্তেজিত কণ্ঠে বল্লেন—

কেন হেসেছি জানো, আজ আমি বুঝেছি, আমি দ্বিচারিণী নই, আসলে তুমিই চরিত্রহীন। নিজের চরিত্রের কথা তোমাকে পীড়িত করে তোলে, তাই তুমি অক্ষম আক্রোশে আমাকে এতকাল পীড়ন করে এসেছ, আর আমি তোমাকে ভয় করিনা দাদা।

বিশ্রী চীৎকার করে বিছানা থেকে নেমে পড়লেন ভবতারণ; তারপর পুলিনের কানের কাছে গিয়ে বল্লেন,—জানো, তোমার স্ত্রী, আমার বোন সুরো, দ্বিচারিণী।

তন্দ্রার ঘোর ভাল করে কাটেনি পুলিনের—সে বল্লেন হ'।

ভবতারণ বলতে লাগলেন—১২৯৭ সালে গুণ্ডারা ওকে ধরে নিয়ে গিচ্ছল। উন্মত্ত উত্তেজনায় ভবতারণের রুগ্ন শরীর অবসন্ন হয়ে পড়ল, কথাগুলো বলবার সময় তার নিঃশ্বাস বন্ধ হয়ে আসছিল,

পুলিনের টেলিফোনের কাছে মুখ নিয়ে গিয়ে এক সঙ্গে এতগুলি কথা বলে ভবতারণ আর দাঁড়াতে পারলেন না, চেয়ারের পাশে বসে পড়লেন।

পুলিন আর একবার বললে—কার কথা বললে ?

জানালার ধারে দাঁড়িয়ে সুরবালা মনে মনে পরম প্রশান্তি অনুভব করছিল। এতদিনে তার অন্তরে শান্তি এলো।

পুলিন চেয়ার থেকে উঠে বললে—কি হয়েছে সুরবালা, ভবতারণ রাগ করেছে বুঝি।

ভবতারণ আবার বললেন—দ্বিচারিণী, সুরবালা দ্বিচারিণী !

উত্তেজনায় অবসন্ন হয়ে ভবতারণের বিপুল দেহ মাটিতে লুটিয়ে পড়ল।

পুলিন বললে সুরবালা, ভবতারণের শরীরটা বোধ হয় আবার খারাপ হোল।

অচঞ্চল সুরবালা শুধু বললে হঁ ! তোমাকে যা বলতে চেয়েছিল, তা' তুমি শুনতে পেলেনা বলেই রাগে অজ্ঞান হ'য়ে পড়েছে !

পুলিন একথাও শুনতে পেলেন না,—বললে একবার ডাক্তার বাবুকে খবর দাও।

সুরবালা বললে—তা, ডাকছি কিন্তু তাতে আর বোধ করি বিশেষ ফল হ'বে না।

সুরবালার কথা সত্যি হোল, ভবতারণের আর জ্ঞান হোল না।

নির্জন গৃহকোণে

শ্মশান থেকে ফিরে এসে পুলিন বলে—তাইত সুরবালা, তোমার বড় কষ্ট হ'বে, একলা কি নিয়ে থাকবে !

পাষণ প্রতিমার মতো চুপ করে সুরবালা দাঁড়িয়ে রইলো ।

পুলিন বলে—কিন্তু কি যেন বলছিল, তেমন বোঝা গেল না সুরবালা ।

নদীর দিকের জানলার ধারে উদ্দেশহীন উদাস দৃষ্টিতে সুরবালা চুপ করে দাঁড়িয়ে রইল ।

খাঁচার পাখী

গৃহ প্রবেশের দিন থেকেই নিরঞ্জন রাসবিহারী এ্যাভিনিউর এই ফ্ল্যাটটিতে বাস করেছে। আলিপুর কোর্টে এতদিনে নিরঞ্জন যা হোক তবু কিছু নাম করেছে, প্রয়োজনের পরিমাণে অর্থের পরিমাণও তেমন অকিঞ্চিৎকর নয়, অভাব তেমন কিছুই নেই, শুধু যদি তার একটি ছেলে কিংবা মেয়ে থাকতো। একথা মনে মনে ভাবলেও নিরঞ্জন স্মিত্রাকে কোনদিন বলেনি, স্মিত্রা নিজেই যেন লজ্জিত হয়ে আছে, নিরঞ্জনের দুঃখ স্মিত্রার জন্ম, কি ভয়াবহ নিঃসঙ্গতার মধ্যেই না বেচারীর দিন কাটে।

বৈচিত্র্যের অভাবে স্মিত্রার ব্যবহার আজকাল অনেকটা যান্ত্রিক হয়ে এসেছে, যদিও তার মধ্যে আন্তরিকতার উষ্ণতার অভাব নেই তবুও কেমন যেন গতানুগতিক। কোর্টে যাবার আগে সে নিরঞ্জনকে কোর্ট পরিষে দেবে, নিজ হাতে টাই বেঁধে দেবে, দরকারী কাগজপত্র এ্যাটাঁসে কেসে ভর্তি করে হাতের কাছে গোছ করে রেখে দেবে, চুলগুলি ব্রাস করবার আগে কানের পাশ থেকে দু'চারগাছা রূপালি চুলও মাঝে মাঝে সে খুঁজে বার করে, তারপর মোজা ও জুতা পরিষে দিয়ে তবে স্মিত্রার ছুটাঁ। সিঁড়ি পর্যন্ত নিরঞ্জনের সঙ্গে গিয়ে চুপ করে দাঁড়িয়ে থাকবে—

নিরঞ্জন গৃহকোণে

যতক্ষণ না ভারী জুতার আওয়াজ মিলিয়ে যায়, ততক্ষণে স্মিত্রা জানালার পাশে গিয়ে দাঁড়িয়েছে। নিরঞ্জন হেসে বলতো সেকালে রাজারা যখন যুদ্ধে যেতেন তখন রাণীরা বীর বেশে রাজাকে সাজিয়ে দিতেন, তুমিও দেখছি তাই করলে। স্মিত্রা বলে উঠতো কোনখানটা তোমার যুদ্ধ নয় বলতো, হাকিমকে জয় করা কি সহজ নাকি, সেকালে ছিল সশস্ত্র কাটাকাটি, এখন নিরস্ত্র কথা নিয়ে অহিংস কাটাকাটি। স্মিত্রা দেখতে লাগল, বালীগঞ্জের দিক থেকে একটা ট্রাম আসছে অনেক করে নিরঞ্জনের একটু বসবার জায়গা হোল, নিরঞ্জন ওপরের দিকে তাকাবার আগেই ঘণ্টা বাজিয়ে ট্রাম ছেড়ে দিয়েছে, ট্রাম ক্রমশঃ মিলিয়ে গেল।

এতক্ষণে স্মিত্রার অবসর হোল—অথগু অবকাশ। স্মিত্রা ঘরে ফিরে এলো। সুসজ্জিত ঘরখানি, সুনিপুণ হাতের স্পর্শে ঘরের কোনো জিনিষটি স্থানচ্যুত হয়ে নেই, অতিথি এলে এদের পরিচ্ছন্ন পারিপাট্যে বিশ্বয় প্রকাশ করতেই হবে। ঘড়ির কাঁটার মতো নিয়মিতভাবে সুপরিচ্ছন্ন ও সুসজ্জিত ঘরটিকে পরিচ্ছন্নতর করবার মূলে আছে স্মিত্রার অদম্য আগ্রহ।

তারপর নিঃসঙ্গ স্মিত্রা কোনও প্রকারে স্নানাহার সেরে বসবার ঘরে ফিরে এলো। সামান্য কয়েকটি মুহূর্ত অবসন্নভাবে স্মিত্রা চুপ করে বসে রইল, তারপর বেরিয়ে এলো বাইরের বারান্দায়, সেখানে ছোট বড় অসংখ্য মাটির টবে নানারকম মৌসুমী ফুলের গাছ সে স্বহস্তে বসিয়েছে, চন্দ্রমল্লিকাগুলি ফোটার সময় হয়ে এসেছে, কিন্তু পিঁপড়ের চেয়ে ছোট

নির্জন গৃহকোণে

ছোট একরকম পোকা গাছগুলিতে ছড়িয়ে আছে, সহজে যে ফুল ফুটবে এমন ভরসা নেই, স্মিত্রার মুখখানি সহসা স্নান হয়ে গেল।

গাছের পরিচর্যা শেষ হোল—এখন নিশ্চিহ্ন মোলায়েম একটানা স্তূর্দীর্ঘ অবসর। তারপর অনেক পরে ছপুরের সোনালি রোদ গিয়ে পড়ল পার্কের একমাত্র তাল গাছটির মাথায়। ফিরিওয়ালার কলরবে আবার বড় রাস্তা মুখর হয়ে উঠল, ট্রামবাস মোটরের আওয়াজে মুচ্ছাহিত সহরের যেন পুনর্জন্ম হোল, দ্বিপ্রহরের অলঙ্ঘনীয় অলসতার আকর্ষণের হাত থেকে এতক্ষণে তার মুক্তি হোল। সহরের সঙ্গে স্মিত্রারও আবার যেন পুনর্জন্ম হোল, নিরঞ্জনের ফেরার সময় ক্রমশঃই এগিয়ে আসছে। মধ্যাহ্নের এই ক্লাস্তিকর নিঃসঙ্গ অবসর স্মিত্রার জীবনের প্রধানতম তিরস্কার। এই বাড়ীটিতে তিনটা ফ্ল্যাট, নীচে একটি, ওপরে দুটি, নীচেরটি বাড়ীওয়ালার জ্যে বারোমাস রিজার্ভ, তিনি থাকেন বন্ধুমানের, কদাচিৎ অর্কোদয় কিংবা চুড়াননি যোগে তাঁর বাড়ীর মেয়েরা কল্কাতায় এলে এখানে থাকেন, নইলে কর্তা একাই মাঝে মাঝে দু একদিন থেকে যান; নীচেরতলা বারোমাস খালিই থাকে, ওপরের ফ্ল্যাট দুটির একটিতে স্মিত্রারা থাকে, অপরটিতে যদি ওদেরই মতো কেউ এসে থাকে তবু স্মিত্রার নিঃসঙ্গতা দূর হয়, কিন্তু আশ্চর্য্য এই তিন নম্বরের ফ্ল্যাটটি, এতদিন হয়ে গেল এ পর্য্যন্ত একঘর স্থায়ী পরিবার এলো না, অনেক কষ্টে যদিই বা কেউ এলো বড় জোর একমাস কি দেড় মাস থেকেই তারা চলে যায়। তাই বিরক্ত হয়ে স্মিত্রা নবাগতদের সঙ্গে আলাপ করা ছেড়েই দিয়েছে, কি হবে দুদিনের আলাপে, যেন ট্রেনের আলাপ, যতক্ষণ গাড়ীতে ততক্ষণ এক মন এক প্রাণ...তারপর...

একান্ত দুঃসহ হলে স্মিত্রা রাস্তার দিকে জানালাটিতে দাঁড়ায়, নীচের

মহুর জনপ্রবাহের আকর্ষণ বড় কম নয়, কালের বিস্তীর্ণ পটভূমিকার যেন চলমান দীর্ঘ কাহিনী, আদি নেই—অন্ত নেই—অতল পারাবার। তবু স্মিত্রা মাঝে মাঝে ভাবে যদি কেউ তিন নম্বরে আসে—এবার যারা আসবে তারা হয়ত বেশীদিন থাকতেও পারে। মাঝে যারা এসেছিল তারা ভাড়াটে বটে, ওঃ দিনগুলি কি ভাবেই না কেটেছে, কর্তার আফালন, গিন্নীর একঘেয়ে ঘ্যান্‌ঘ্যানানি, ছোট ছেলেদের উৎপাত, তদুপরি একটি গ্রামোফোন, একই রেকর্ডের অবিরাম পুনরাবৃত্তি, জ্যোৎস্না পুলকিত রাত্রে বেজে উঠল... 'এমন দিনে তারে বলা যায়', দারুণ শীতের দিনে বাজলো "প্রথর তপন তাপে", অসহ। সঙ্গীত যে কতখানি কদর্যা হতে পারে তা সেই ক'দিনেই স্মিত্রা বুঝেছিল, এর চেয়ে যেন নিঃসঙ্গ জীবন ছিল ঈশ্বরের প্রসন্ন আশীর্বাদ।

ঘড়িতে সাড়ে চারটে বাজতে চলো—স্মিত্রা জড়তার ঘোর কাটিয়ে উঠে দাঁড়ালো, মধ্যাহ্নের অবসাদক্লিষ্ট মুখে স্বাভাবিক প্রসন্নতা ফিরিয়ে আনবার চেষ্টা করলো। নিরঞ্জনের কাপড়-চোপড়গুলি গুছিয়ে হাতের কাছে সাজিয়ে রাখল—ঘড়ির কাঁটা পাঁচটার গায়ে সরে এসেছে, চায়ের সরঞ্জাম ঠিক করে ষ্টোভটি ধরিয়ে স্মিত্রা উন্মুখ হয়ে রাস্তার ধারের জানালাটিতে এসে দাঁড়ালো।

চায়ের জল ফুটে গেল, কিন্তু নিরঞ্জনের দেখা নেই, টিপটে জল ঢেলে স্মিত্রা উৎকণ্ঠিত হয়ে আবার জানালার ধারে এলো, যথাসময়ে নিরঞ্জন ট্রাম থেকে নামলো। স্মিত্রার বুক থেকে যেন একটা ভারী বোঝা নেমে গেল, এ সহরে বিপদের অভাব নেই, দুর্ঘটনা একটা ঘটতে কতক্ষণ। হাসিভরা মুখে নিরঞ্জনের হাত থেকে এ্যাটাসে কেসটা নিয়ে স্মিত্রা যথাস্থানে রেখে দিল।

নিরঞ্জন বলে—চলোনা আজ একটু বেড়িয়ে আসা যাক, পিসিমা শুন্‌লাম মনোহরপুকুরে এসে রয়েছেন ক’দিন, সংক্রান্তির আগেই আবার কাশী চলে যাবেন, যাবে ওখানে—?

সুমিত্রার অসম্মতি নেই, সারাদিনের এই নিস্তরঙ্গ জীবনের মধ্যে তবু সে একটু বৈচিত্র্য, তারপর আবার সেই চিরাচরিত প্রথায় দিন যাপনের ঘানি, সেত আছেই...

সুমিত্রা সহসা ঝঙ্কত হয়ে উঠলো, কই আজ তুমি আমার সেই অরেঞ্জ রঙের উল আন্‌লে না ত’? নমুনাটা কই, ভুলে গেছ ত’, বেশ !

অনুতপ্ত নিরঞ্জনের অপরাধীর মতো শ্রান মুখ দেখে সে সহজেই ক্ষমা করলো, জীবনের গতি যেখানে মসৃণ, ক্ষমা সেখানে ছলভ নয় ।

সেদিনও সুমিত্রা জানালার পাশে দাঁড়িয়ে আছে, সহসা একটা ট্যাক্সি এসে ঠিক ওদের দরজার সামনেই দাঁড়ালো, সুমিত্রা উৎসুক ও উৎকণ্ঠ হয়ে উঠলো, ঠিক এই সময়ে সে একজনেরই প্রতীক্ষা করে, জনতার অরণ্যে অবগাহন করবার সময় এখন নয়, তবু—

ট্যাক্সি থামতেই বেরিয়ে এলো সুশ্রী সুদর্শন একটা ছেলে, বছর পঁচিশ বয়স হবে হয়ত, মুখে চোখে আভিজাত্যের ছাপ, ছেলেটির সঙ্গে সঙ্গেই ট্যাক্সি থেকে যে মেয়েটা নেমে পড়ল, নিঃসন্দেহে সে তার স্ত্রী, অন্ততঃ সুমিত্রার তাই মনে হলো । মেয়েটি বেশ, কেমন যেন ব্রীড়ানম্র কুণ্ঠিত তার মুখভঙ্গী, মেয়েটি সুমিত্রাকে সহজেই আকৃষ্ট করলো । কিন্তু ওরা কার কাছে এলো, সঙ্গে বিশেষ জিনিষ পত্র নেই, ঐ কটি জিনিষ

নিরঞ্জন গৃহকোণে

নিয়ে কেউ বাসা বাঁধে নাকি, দারোয়ানের সঙ্গে ছেলেটির কি যেন কথা হোল, তারপর দারোয়ানজী নিজেই হোল্ড-অল আর স্ট্রটকেশটীকে ঘাড়ে করে ওপরে উঠতে লাগলো, কতই যেন পরিচিত এই বাড়ী, মেয়েটী তাড়াতাড়ি উপরে উঠে এলো। পাশের ফ্ল্যাটের দরজায় এসে হোল্ড-অল আর স্ট্রটকেশটা নামিয়ে দারোয়ানজী চাবী খুলে হুজুরদের সেলাম করলো। স্মিত্রা নিলিপ্তভাবে রাস্তার দিকে ফিরে দাঁড়ালো।

আজ নিরঞ্জনের আসতে দেরী হচ্ছে, হয়ত কোনও মক্কেলের হাতে পড়েছে, নয়ত অরেঞ্জ রঙের উল পাওয়া যাচ্ছেনা, দোকানে দোকানে খুঁজতে নিরঞ্জনের দেরী হচ্ছে। অবশেষে সাতটার পর নিরঞ্জন ফিরলো, স্মিত্রা তখনও জানালার ধারে দাঁড়িয়ে, নিরঞ্জনের আবির্ভাব সে অনুভব করেনি, তাই নিরঞ্জন যখন তাকে জানালার ধারে আবিষ্কার করলো তখন স্মিত্রা রীতিমত লজ্জিত হয়ে পড়লো।

উৎসাহে উচ্ছ্বসিত হয়ে স্মিত্রা বলল—জানো আজ আগাদের পাশে কারা এসেছে? নূতন ভাড়াটে—

—তাই নাকি! কিন্তু—

—তুমি বুঝি দেখতে পেলেনা, সত্যি—ভারী ছেলে মানুষ, কি করে যে সংসার করবে কে জানে? আসবাবের ভেতর একটা হোল্ড-অল আর স্ট্রটকেশ। এই নিয়ে কি কেউ বাসা করে?

—তা হয়ত করে, ওদের অভিজ্ঞতায় তোমার এই অনাস্থার কারণ কি?

—ওটা কি, ওঃ উল এনেছো বুঝি, তাই বুঝি এত রাত হোল— আচ্ছা, কি বুঝি তোমার, যখন পেলেনা সোজা বাড়ী চলে এলেনা কেন! আর একদিন ছুটীর দিনেই না হয় কিনে আনতে।

—শীত চলে গেলে কি স্কাফ বুনবে নাকি, নভেম্বরের আজ ক'দিন হোল ?

—ভারী চমৎকার হয়েছে। প্যাকেটটা খুলে স্মিত্রা আনন্দে উৎফুল্ল হয়ে উঠলো।

নিরঞ্জন হেসে বলে—তা চমৎকার না হয় হোল। কিন্তু নতুন ভাড়াটের গ্রামোফোন আছে কিনা দেখেছ ?

স্মিত্রাও হেসে উঠল...না না গ্রামোফোন নেই বটে তবে—স্মিত্রা সহসা খেমে গেল, লম্বা বাস্‌কোটার কি আছে কে জানে, হয়ত মেয়েটির একটা এস্রাজ-ই আছে।

ভীত হয়ে নিরঞ্জন বলে—তার মানে ? তাহলে—

—না না ভয় নেই, ওদের সঙ্গে আলাপ করো না, বেশ হবে'খন !

—কেন ?

—সে তুমি ওদের না দেখলে বুঝতে পারবে না !

স্মিত্রার উৎসাহের উত্তাপ নিরঞ্জনকে স্পর্শ করতে পারলে না, রাত্রির আহারের পর স্মিত্রা আর একবার চেষ্টা করলো বটে, কিন্তু বৃথা, নিস্পৃহ নিরঞ্জনের এ বিষয়ে কোনও আগ্রহ নেই, সম্পূর্ণ অবিচলিতভাবে নিরঞ্জন শুধু নিস্প্রাণ কণ্ঠে স্মিত্রার কথায় সায় দিয়ে গেল।

অগত্যা স্মিত্রা নিজেই নবাগতদের কথা চিন্তা করতে লাগলো। গভীর রাত্রে সহসা ঘুম ভেঙে যেতে স্মিত্রার কাণে এস্রাজের মিহি সুরের বেশ ভেসে এলো, এ সুর যে অভিজ্ঞ হাতের তা বুঝতে স্মিত্রার দেরী হোল না, কিন্তু সে মনে মনে স্থির করলো নিরঞ্জনকে কোনোদিনই এ কথা জানান হবে না।

সেদিন চন্দ্রমল্লিকাগুলিতে জল দিতে গিয়ে স্মিত্রা দেখতে পেল

নির্জন গৃহকোণে

ছেলেটি স্বহস্তে ঝাড়ু দিয়ে ঘর পরিষ্কার করছে, বিতৃষ্ণায় স্মিত্রার মন বিষিয়ে উঠলো, কি আশ্চর্য্য, স্ত্রী কাছে রয়েছে আর স্বামী কি না নিজের ঝাড়ু দিচ্ছে, কি দিনকালই পড়েছে !

এই বিচিত্র ঘটনাটি সেদিন সন্ধ্যায় নিরঞ্জনের কাছে গল্প করতে স্মিত্রা ভুললো না, নিরঞ্জন তাচ্ছিল্যভরে বললে—হাতে কাজ না থাকলে অমন অনেক স্বামীকেই ঝাড়ু দিতে হয় ।

স্মিত্রা বিরক্ত হয়ে বললে—তুমি কি করে জানলে ওদের কাজ নেই ।

থাকলে কি আর ঝাড়ু দিত স্বামী,—কাজই করতো !

—হয়ত এখন গুঁর ছুটি, ওদের যা জামা কাপড় সেদিন দেখতে পেলুম, তাতে আমার মনে হয় ওদের বেশ সচ্ছল অবস্থা ।

—তাতেও বিস্মিত হবার কিছু নেই, আজকাল ক্রমশঃ-শোধ্য উপায়ে জামা কাপড়ও কেনা যায়, মাসে পাঁচটাকা করে দিলেই হোল, তাছাড়া আসল আর নকল, জাপানী কিংবা বিলাতী তুমি চিন্বে কি করে !

—কিন্তু ওদের চেহারা দেখে আমার মনে হয় নকল নয়—

—হ'তেও পারে, কত রকমেরই না লোক আছে । খবরের কাগজ থেকে মুখ না তুলেই নিরঞ্জন বললে, অপস্ফয়মান সিগ্রেটের নীলাভ ধোঁয়াটুকু শুধু দেখা গেল ।

নিরঞ্জনের কঠিন ওদাস্যের হিমেল হাওয়ায় স্মিত্রার আগ্রহ শীতল হয়ে গেল । অগত্যা নিবিষ্ট মনে ক্রচেটে দৃষ্টি নিষ্ক্ষেপ করে স্মিত্রা আপন মনে এই নবাগত দম্পতির সম্বন্ধে কল্পনার জাল রচনা করতে লাগলো !

তারপরদিন দুপুরে স্মিত্রার পরিচিত ডিমওয়ালার কাছে স্মিত্রা বেছে বেছে ডিম কিনছিল, এমন সময়ে মেয়েটি বেরিয়ে এলো পাশের ঘর থেকে। এই প্রথম তাকে সম্পূর্ণভাবে স্মিত্রা দেখলে, পরণে তার ফিকে আসমানি রঙের সাড়ি, কপালে সিঁচুরের ক্ষীণ স্পর্শ, স্মিত্রার বেশ লাগলো—

মেয়েটি সবিনয়ে নমস্কার করে বললো—আপনি পাশেই থাকেন না? আজ ক’দিন ধরে আপনার সঙ্গে আলাপ করবো মনে করছি, কিন্তু কিছুতেই আর সময় করে উঠতে পারিনি।

স্মিত্রারই যেন অপরাধ, স্মিত্রা অপ্রতিভ হয়ে বললো—তাতে কি হয়েছে, প্রথম দুচারদিন একটু অসুবিধা হয় বৈকি!

—আসুন না আগাদের ঘরে, আপনার অসুবিধা হবে না ত’!

—অসুবিধা আর কি বলুন! স্মিত্রা যেন আত্ম-সমর্পণ করলে। মনে মনে সে আনন্দিত হোল, মেয়েটিকে যতটা দাস্তিক মনে করেছিল, তা ভুল।

ওদের ঘরে ঢুকে স্মিত্রার মনে হোল, এমন ঘরে জীবনে যেন ও প্রথম এলো, কি বিশৃঙ্খল বিশ্রী-করেই না সব রেখেছে।

মেয়েটি বললো—বসুন, আপনাকে একটু চা করে দিই! জিনিসপত্র সব ছড়ান এলো-মেলো হয়ে রয়েছে।

স্মিত্রা বললো—এতো বেলায় আর চায়ের হাঙ্গাম করবেন না। মেয়েটি কিন্তু আপত্তি শুনলে না।

এই অবসরে স্মিত্রা ওদের ঘরটি দেখতে লাগলো, সামনে একটি ছোট বেতের টেবিলের ওপর চায়ের সরঞ্জাম অপরিষ্কার অবস্থায় পড়ে রয়েছে, অপরিচ্ছন্ন বিছানার ওপর দুচারখানি বই ছড়ানো রয়েছে, পাশের ঘরের মেঝেতে একটি সম্প্যান ও দু-চারটি কাঁচের এবং চীনে মাটির বাসন দেখা গেল, জামা কাপড় ঘরের মেঝেতেই ছড়ানো রয়েছে, বাথরুমে চৌবাচ্চার কাছে ভিজ়ে কাপড় তখনো জড়ো করা রয়েছে। মেয়েটি যে সংসারে অনভ্যস্ত সে বিষয়ে স্মিত্রার কোনও সন্দেহ রহিল না।

মেঝের ওপর ষ্টোভ জ্বলে মেয়েটি চায়ের জল চড়িয়েছিল, একটু ধোঁয়া দেখা যেতেই তাতে তাড়াতাড়ি পাতা ছেড়ে দিয়েছে। বিস্মিত হয়ে স্মিত্রা বলে.....একি! জল ত ফোটেনি এখনও এর মধ্যেই পাতা দিলেন যে?

মেয়েটি বিশেষ লজ্জিত হয়ে পড়লো, স্মিত্রা সহসা দেখল ওর চোখে জল, স্মিত্রা অপ্রতিভ হয়ে বলে—তাতে কি হয়েছে, ওতেও চা ভালোই হয়।

অশ্রুধারাকণ্ঠে মেয়েটি বলে—আমারই ভুল, আপনি ঠিকই বলেছেন এর জন্ত আমিই অপরাধী, কোনোদিন এসব শিখিনি তার কল ভোগ করছি। কদিন দোকান থেকেই খাবার আসছিল, আজ ওঁর ইচ্ছে হোল আমার হাতের রান্না খাবেন, রেঁধেও ছিলুম, কিন্তু উনি কিছুই মুখে করতে পারেন নি, না খেয়ে বেরিয়ে গেছেন এখনও হয়ত অভুক্ত আছেন। এই পর্যন্ত বলে মেয়েটি অশ্রুধারায় ভেঙে পড়ল।

কিন্তু বেশী বিব্রত হোল স্মিত্রা, বেচারী সম্পূর্ণ অপ্রস্তুত হয়ে গেছে, আগেই ওর বোঝা উচিত ছিল এদের জীবনযাত্রার মঙ্গল পথে কোথায়

বাধা পড়েছে। করুণায় স্মিত্রার মন আর্দ্র হয়ে উঠল, সাস্বনার সুরে বলল

তাতে আর কি হয়েছে, আমি আপনাকে সব শিথিয়ে দেব, আসুন আমি বিকালের খাবারের সব বন্দোবস্ত করে দিই, ততক্ষণে আপনার স্বামী এসে পড়বেন।

স্মিত্রার সাহায্যে অল্প সময়ের মধ্যেই সব বন্দোবস্ত হয়ে গেল। মেয়েটিকে সাহায্য করতে পেরে স্মিত্রা খুসী হয়েছে।

এমন সময় জুতার আওয়াজ পেয়ে মেয়েটি তাড়াতাড়ি দরজার দিকে এগিয়ে গেল। ছেলেটি ফিরে এসেছে, হাতে তার নানা রকম প্যাকেট, স্মিত্রা বুঝলে এইবার সফি, তার পক্ষে এখানে আর থাকা নিষ্প্রয়োজন, কিন্তু দরজার সামনেই ওরা দাঁড়িয়ে, বেরোবার পথ নেই।

—সত্যি অনু, আমাকে মাপ করো, বড় অগ্নায় হয়ে গেছে, সকালে রাগের মাথায় তোমাকে যা তা বলা মোটেই উচিত হয় নি। ছেলেটি আবেগ আকুল কণ্ঠে বললে।

অনু বোধ হয় ইসারায় কিছু বলে থাকবে, ঘরে তৃতীয় প্রাণীর উপস্থিতি এতক্ষণে ছেলেটিকে সচকিত করল।

—নমস্কার—স্মিত্রাকে উদ্দেশ্য করে ছেলেটি বলল, আপনারা পাশেই থাকেন, না? অনু—এঁকে বসতে দাও।

প্রতি-নমস্কার জানিয়ে স্মিত্রা বলল—অনেকক্ষণ এসেছি, আজ আর সময় নেই।

মেয়েটি স্মিত্রাকে ঘর পর্যন্ত এগিয়ে দিয়ে গেল।

নির্জন গৃহকোণে

সে রাতেও স্মিত্রা নিরঞ্জনকে এ ঘটনা জানালো না, রাতে বিনিদ্র শয্যায় মেয়েটির কথাই বার বার স্মিত্রার মনে পড়তে লাগলো। অদ্ভুত এই মেয়েটি, যেমন সুশ্রী তেমনই সরল ওর ব্যবহার। স্মিত্রার মায়া পড়েছে অনুর ওপর, হয়ত অনুপমা, কিংবা অনীতা ওর নাম হবে। কে জানে স্মিত্রার যদি মেয়ে থাকতো সে কি অনুপমার বয়সী হোত, হয়ত কিছু ছোট হত, যাহোক এতদিনে তবু একজন সঙ্গী পাওয়া গেল, মেয়েটিকে স্মিত্রা কাজ শেখাবে, মেয়েটিকে সংসার করতে শেখাবে। নিরঞ্জনের সকল ব্যাপারেই কেমন অকারণ ঔদাসীন্য। আজ প্রথম স্মিত্রা নিরঞ্জনের ওপর রাগ করলো এবং অনুরের সব কিছুই ওর কাছে সুন্দর ও পরম রমণীয় বলে মনে হতে লাগলো।

সে রাত্ৰিতে কিছুতেই স্মিত্রার চোখে আর ঘুম এলো না।

পরের দিন স্মিত্রা অনুরের ঘরে যাবে কি না ভাবছে ঠিক সেই সময় মস্ত একখানি গাড়ি এসে থামলো, অতবড় গাড়ি এ পাড়ায় কেন এলো স্মিত্রা কোতূহলী হয়ে তাই দেখতে লাগলো। চাপরাশ পরা এক আর্দালী সমস্তমে দরজা খুলে দাঁড়াতেই বেরিয়ে এলেন সৌম্যদর্শন প্রৌঢ় ভদ্রলোক, দেহটি স্থূল হলেও উজ্জল, প্রশস্ত ললাটে প্রতিভার পরিচয় আছে, পাশের ফ্ল্যাটে তিনি অদৃশ্য হয়ে গেলেন, তারপর কিছুক্ষণের মধ্যেই অনুর ও তার স্বামী এবং সেই প্রৌঢ় ভদ্রলোক বেরিয়ে এলেন ফ্ল্যাট থেকে, পেছনে চাকরের মাথায় স্মিত্রার পরিচিত সেই হোল্ডঅল্ ও স্ট্রটকেশ। সকলে অকুণ্ঠিতচিত্তে গাড়িতে উঠে পড়লো, শুধু চকিতে অনুর চোখ স্মিত্রার মুখের দিকে পড়তে সে হাত দুটি তুলে স্মিত্রাকে নমস্কার জানালে—

নিরঞ্জন গৃহকোণে

তারপর সেই বিরাট মোটরকারখানি রাসবিহারী এভিন্যুর জনারণ্যে কোথায় মিলিয়ে গেল, স্মিত্রা ঝাপসা চোখে তার সন্ধান করতে পারলে না।

সেদিন স্মিত্রা নিরঞ্জনকে বলে—জানো ওরা আজ চলে গেছে। নিস্পৃহভাবে নিরঞ্জন বলে—বিচিত্র কি! এ আমি জান্তুম।

স্মিত্রা কিছু আর বলতে পারল না, তার মনে বার বার অনুর মুখখানি ভেসে বেড়াতে লাগল।

স্মিত্রার নিস্তরঙ্গ নিঃসঙ্গ মধ্যাহ্ন দিনগুলি আবার বিস্তীর্ণ হয়ে উঠলো।